

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Johannis Segeri Weidenfeld De Secretis Adeptorum Sive
Usu Spiritus Vini Lulliani Libri IV**

Weidenfeld, Johann S.

Londini, 1684

140. Aqua Philosophorum ex tribus spiritibus Isaaci

[urn:nbn:de:bsz:31-96282](#)

140. Aqua Philosophorum ex tribus spiritibus Isaaci,

Cap. X. 3. Oper. min.

R. **V**itrioli Romani partes sex, Lapidis hæmatitidis, croci Martis, Veneris, Cinnabaris, Æris usci, Antimonii mineralis ana partem unam, siccata bene misce, & positis in retorta affunde Aquæ vitæ rectificatæ (*spiritus vini phil.*) libras quatuor, destilla & cum capite mortuo pulverisato cohobater. Aquam divide in duas partes, quarum unam serva, in altera disslove in Balneo unciam unam salis armoniaci ad rubeum sublimati, quo soluto, dissolve unciam sulphuris præparati, tandem & unciam Mercurii ad rubeum sublimati injice, solutis his tribus in Aqua solvente ex Aqua Vitæ conseccta, habes Aquam, quæ meritò Philosophorum dicitur, ob mirandas & secretas ejus vires, quarum miracula non describenda sunt, quia non convenit ob certas causas, &c.

Præparatio Sulphuris. R. Sulphuris vivi libras XII. cui pulverisato affunde Acetum destillatum (*philosophicum*) ebulliant lentè in Balneo, vase optimè clauso per tres dies. Acetum jam tinctum cautè decanta. Residuo novum affunde Acetum, digere & decanta, totiesque repete donec non amplius tingatur Acetum. Tinctum in Balneo leniter destilla ad quartæ partis residentiam, ex residuo spatio trium vel quatuor dierum in cella frigida cristallos (*Vitriolum graduatum Sulphuris*) nitri similes, pellucidas instar succini & aurei coloris. Acetum remanens evapora in pulverem aureum. Cristallos & pulverem denuò disslove prædicto Aceto, & crystallisari permitte, idque toties donec sulphur nullas post se relinquat feces. Hoc magnum est secretum alchymicum purgandi sulphur.

Præparatio Mercurii. R. Vitrioli Romani (*per quod sæpè sæpius intelligunt Adepti graduatum*) libras sex vel octo, salis com. libras duas. Hæc commisce cum Mercurii sale & aceto abluti libris tribus, sublima Mercurium, idque ter repete semper cum novis speciebus, Mercurium serva.

Præ-

Præparatio salis armoniaci. R. Salis armoniaci libras tres, sublima per Vitriolum Romanum & lapidem hæmatitidem ter, qualibet vice cum novis materiis.

Quamvis hæc Isaaci Menstrua non tanti æstimanda sint ac præcedentia Basiliæ quoad præparationis excellentiam; nihilominus ea non minoris sed ejusdem virtutis sunt cum illis quoad tingendi qualitatem, ex eisdem enim componuntur sulphuribus, Crocis & Essentiis Martis, Veneris, sulphuris, &c. quibus Basiliæ menstrua mineralia compoſita fuere conſecta. Lullius eadem menstrua acuit Essentiis metallicis non quidem modò conſectis sed conficiendis in ipſa menstrui præparatione, ita Menstruo fætenti, sale harmoniaco vegetabili, acuato, conficit luna Essentiam quæ dicto menstruo commixta evadit menstruum hujus generis & dicitur

141. Aqua Composita Argenti Lullii,

Cap.X. Præticæ Testamenti majoris, Pag. 161.

Volum. 4. Th. Chym.

R. IN virtute A. (Dei) unam unciam de F. (luna clara pag. 171.) bene purgata per cupellam vel cineritium. Et illud argentum bene percussum (malleo extensum) in rotellas scinde per petias parvas, curtas & strictas. posteā in duas partes æquales divide, & accipe duo vasa vitrea solutoria nuncupata, sed melius liquefacta sunt dicta & vocitata, quorum in hoc regimine, forma & mensura tibi demonstrabuntur in capitulo vasorum, & in quolibet istorum duorum pone unam unciam cum dimidia de E. (Menstruale 171. à nobis superius sub No. 67. datum) scilicet octavam partem totius menstrualis, projice statim intùs quamlibet partem de F. & in continenti non negligenter obſtruas os vasis suo coperculo, & luta bene juncturam de luto jam dicto (in dicti menstrualis confectione) vel de cera clara & munda, quo facto pone in Balneo mariæ calido per triduum, ut Deus det tibi bonam diem. Postea accipies F. (Argenti dissolucionem) & Aquam colabis (decantabis) in aliam ampullam vitream mundam, & vasulum bene inclinabis & caute, ne terra de F. cum aqua colari possit, nec Aqua turbari, & dictam